

欽定四庫全書

史部

滇畧卷

一一

欽定四庫全書

史部

滇畧卷二

二

詳校官編修_臣曹振鏞

檢討_臣德生覆勘

總校官庶吉士_臣舍聖脉

校對官主簿_臣汪日贊

繕錄監生_臣王寶唐

欽定四庫全

欽定四庫全書

史部十一

滇畧

地理類三

都會郡縣之屬

提要

臣等謹案滇畧十卷明謝肇淛撰肇淛有史
 觴已著錄此書乃其官雲南時所作分為十
 門一曰版畧志疆域也二曰勝畧志山川也
 三曰產畧志物產也四曰俗畧志民風也五
 曰續畧志名宦也六曰獻畧志鄉賢也七曰

事畧志故實也八曰文畧志藝文也九曰夷
畧志苗種也十曰雜畧志瑣聞也雖大抵本
圖經舊文稍益以新事然肇制本文士于記
誦亦頗博洽故是書引據有徵叙述有法較
諸家地志體例特為雅潔薛承矩序稱其上
以搜揚終常璩之所未及下以補辛顯怡李
京楊慎田汝成諸紀載之漏遺杭世駿道援
堂集有是書跋亦謂其詳遠畧近博觀而約

取蒼山泃水之墟稱善史馬均非溢詞也乾
隆四十三年六月恭校上

總纂官臣紀昀臣陸錫熊臣孫士毅
總校官臣陸費墀

欽定四庫全書

滇畧卷一

明 謝肇淛 撰

版畧

三皇之世地過日表夏商盛時朝者萬國滇雖遠徼亦荒服之內臣也自周失其政六合瓜分蠻夷猾夏割據雄長始與中華隔絕歷漢唐宋雖或稱臣貢土而叛服靡常莫制其命長蛇封豕窟穴二千年矣高

皇帝開天闢地日月重朗金馬碧雞之墟始得與子
男之列方幅齒遇至於今文運弘開樵蘇熙攘蒸蒸日上
上逼鄒魯蓋亘古以來所未有之盛而亦溘萬世之
奇遇也故列其分合之蹟以及天造建侯之詳俾後
之人有所攷焉

雲南古梁州域徼外西南夷所居也額頊建九州其西
南為梁州禹貢華陽黑水惟梁州其地曰百濮以西
南有百國名之如鄯闡昆彌句町牂牁之類周武王

伐紂濮人與焉春秋時楚叔熊逃難於濮始屬楚楚
威王遣莊躋畧地至滇會有秦師道絕遂王之秦通
五尺道置吏焉漢元狩間彩雲見於南中遣使跡之
雲南之名始此也是時滇王當羗問漢使曰漢孰與
我大使者還報天子惡其不遜時白崖有天竺白飯
王之後仁果者為衆所戴遂冊為滇王治白崖躋世
乃絕元封二年發巴蜀兵臨滇滇舉國降以為益州
郡賜王玉印章帝元和二年建學立師後王建興三

年益州渠帥雍闓殺永昌太守與孟獲誘煽諸夷以
叛丞相亮討平之時仁果十五世孫龍佑那者能撫
其民號大白子國仍以其地封之賜姓張氏而以呂
凱為雲南太守晉宋齊梁陳隋廢置不一皆以守令
治其人酋長世其官不相凌奪唐貞觀末冊龍佑那
十七代孫張樂進求為首領大將軍時有哀牢夷細
農暹者耕于蒙之巍山有祥異所居成聚樂進求遂
遜國而去之自是諸酋分立為六詔而南詔強盛開

元間遂并五詔朝廷遣使冊為雲南王天寶間殺太
守張虔陀臣於吐蕃王師討之敗績無何復請內附
仍受冊封賜金印後為其臣鄭氏所篡石晉時段氏
據之宋建隆三年王全斌既平蜀欲乘勝進取為圖
上獻太祖鑒唐之禍以玉斧畫大渡以西曰此外非
吾有也段氏遂得世其國元世祖定雲南改為中慶
路封宗室梁王居之而段氏居夫理不睦構兵皇明
洪武十四年遣潁川侯傅友德西平侯沐英伐雲南

諸郡悉平之置雲南布政使司領府二十州三十六縣三十二而羈縻不與焉見之夷畧

雲南府古鄯闡國也楚莊踰王其地曰滇國漢為益州

為建寧晉為寧州為晉寧隋為昆州唐武德中置雲

南郡後為蒙氏段氏所據元置善闡萬戶府改中慶

路國初改今名領州四縣九昆明縣

附郭漢滇池地隋昆州元置善

州領昆明官渡二縣後併入昆明兩州因之

富民縣

唐西寧黎州烏蠻居之曰叅濃向元改今

名宜良縣

唐蠻居之曰囉哀籠後置匡州元改今名

羅次縣

古歷唐呂村烏蠻居之元

置單次州 **晉寧州** 漢滇池地晉改今名南詔為陽城後改為縣元仍晉名國朝因之以歸化呈貢

隸 **歸化縣** 漢安江又為大吳 **呈貢縣** 漢以來皆為白

城曰呈貢元置 **安寧州** 古滇國鹽州也漢連然

貢縣國初改今名 **安寧州** 縣唐改安寧元改為州國

朝因之隸 **禄豐縣** 古珠白村宋大理高氏 **昆陽**

以禄豐 **州** 漢隸益州晉隸寧州隋立昆州宋大理高氏 **三泊**

治之名巨橋元改今名國朝隸以三泊 **縣** 古楚寮地有那龍 **易門縣** 漢烏蠻仲磨由男所居元置

元置今縣以漢為名 **高明州** 古烏蠻枳氏居之曰枳 **長州** 又改嵩盟又改為州領楊林

向二縣國朝有縣入州更置為明

大理府古昆彌國漢封滇王仁果於白崖置葉榆縣隸

益州後改隸永昌或建寧寧州唐為南詔蒙氏所據

曰大禮五代段氏建國曰大理元置大理路國初平

段首置府焉領州四縣三長官司一太和縣附郭漢葉榆地

亦曰標榆唐南詔取太和城趙州漢永昌地唐蒙詔改今名元為趙跋

州又於白崖跋立定寧縣隸之即古勃弄地雲南縣也後省縣入州國初仍為趙州領雲南縣

漢彩雲見南中處也遣使跡之遂置雲南縣鄧川州唐為匡州改品甸蒙詔為雲南州元降為縣

漢葉榆地唐建備州治大釐城南詔置浪穹縣浪川跋改德元城元改今名國初隸以浪穹

六詔之一治曰彌茨唐稱浪劍賓川州漢葉榆地唐蒙氏太和楚

南詔併之立浪穹州元降為縣雲龍州古雲龍向元置總

場地也國朝弘治初割太和趙州雲南地置今州管國初置州上官

段氏領之萬曆末以十二關長官司木楚場地因

上酋相殺改設流

臨安府古句町國也漢置句町縣屬牂牁郡唐南詔據

之置通海郡段氏為秀山郡後為阿契部蠻所居元

置阿契部尋改臨安路國初置府領州四縣四長官司九

建水州附郭唐烏度蠻地蒙氏城之石屏州漢蠻曰

言林麓也宋阿契於地掘得石坪聚居阿迷州漢以

馬名石坪邑後訛為石屏元改為州

名阿甯訛為阿迷元置阿甯州漢莽都改沈黎郡唐甯萬戶府國初設阿迷州改黎州蒙氏曰浪曠

華言早龍也後以與寧首曰通海縣漢蠻阿赤尼郎寧部元置寧海府尋改寧州地唐蒙氏立通

海郡元改為縣河西縣唐置西宗州領三縣河西其一也阿

嶠峨縣唐為嶠猓蠻所居名嶠峨蒙自縣唐建水

曰目則後訛為蒙自宋為阿楚蠻據元置蒙自千戶所後改為縣國朝因之納樓教化王

弄虧容思陀溪處落恐左能安南共九長官司

永昌軍民府古戎州哀牢國也一云身毒九隆氏居之

漢通博南置不韋縣永平間立瀾滄郡尋改永昌郡

唐以後蒙氏段氏代據之皆為永昌府元立金齒宣

撫司以西南有金齒夷名之也國初置府立金齒衛

後省府改衛為軍民指揮使司嘉靖初復設永昌軍

民府領州一縣二安撫司一長官司二保山縣附郭

來皆為哀牢不韋縣境國朝嘉靖初騰越州古越

設府始置縣以治西有太保山名騰越州地唐置

焉繁州蒙氏為軟化府段氏改為騰街元改騰越州

又改騰街征緬招討使司國初為指揮使司嘉靖初

置州改永平縣漢博南縣晉改永平蒙潞江安撫司

司為衛潞江甸也亦曰怒江國初設柔遠府後改為司鳳溪長官司國初施甸長官

司舊石句訛為
施句元置司

楚雄府晉以前屬益州邊地後設安州蠻夷築城居之
名曰威楚蒙氏置銀生節度段氏為富筋睽改白鹿
郡又為威楚部元改為路國初改設楚雄府領州二

縣五楚雄縣附郭即安州威楚縣也元置
威州尋降為縣國初改名廣通縣古

睽地蒙氏立路
睽縣元改名定遠縣漢越雋地唐曰西濮州曰驛
州後沒於蠻曰耐籠元置牟

州尋改定遠
州後降為縣定邊縣唐濮落蠻居之曰
南澗元置今縣碯嘉縣唐以
前夷

寮居之曰虛初元時有大星隕化
為黑石人異之遂名碯嘉置縣焉南安州舊黑蠻
居地曰摩

蜀元置摩易千戶鎮南州
漢落變所居川名欠舍城曰
所後改為南安州
魏和蒙氏置石鼓縣又置俗

富郡元置欠舍石鼓二千戶後改為鎮南州

曲靖軍民府漢夜郎味縣地也蜀漢置興古郡梁曰西

爨隋置恭州協州唐曰曲州靖州蒙氏為石城郡元初

為磨彌部後改曲靖路國初改為軍民府領州四縣

二南寧縣附郭即漢味縣唐亦佐縣漢牂牁郡充溫

諸蠻隸之號夜苴部霑益州漢宛溫地唐西平州唐

陸涼州漢平夷縣地晉置平夷郡蒙馬龍州漢興古

於蠻名撒區契喇又為納塔部
元置納塔千戶所後改馬龍州
羅維州 晉以前興古
唐蠻羅維者

居之遂以名
部元置州焉

澂江府古滇池地也漢置俞元縣隋屬昆州唐屬牂州

後沒於蠻為羅伽甸南詔置河陽郡段氏析為三部

元置澂江路國初改為府領州二縣三河陽縣 附郭
唐廢

步蠻居之南詔置河陽郡 江川縣
漢祿雲異城又曰
易籠柔氏徒曲旺

蠻居之段氏曰步雄部 陽宗縣
唐蠻強宗部居此
元改江川州尋降為縣
為陽宗元因置縣

新興州 漢青蛉弄棟二縣地唐置
求州蒙氏為溫富
州元曰部傍曰普舍曰研和曰休納後置新

興路南州唐昆州地夾名路甸後為落蒙蠻

蒙化府唐以前為白國與大理同隸蒙氏細奴邏居之

號蒙舍詔後改為陽瓜州段氏改開南縣元為蒙化府又降為州國初因之屬大理正統間復改為府

鶴慶軍民府漢隸益州又分隸永昌郡唐初越析詔地名曰鶴川又曰漾工蒙氏置謀統郡段氏改府元置鶴州後改為鶴慶府又為路國初改路為府尋改為

軍民府領州二劍川州古名也浪字詔與南詔戰敗保此稱劍浪蒙氏併之置劍

川節度後臣吐蕃為吐蕃段氏改義督曉羅順州
魯城羅魯華言海也元改劍川縣國朝復為州

唐名牛賤羅落蠻
居之元改為順州

姚安軍民府本滇地漢置弄棟青蛉二縣唐置姚州以

其地多姚姓也蒙化改弄棟府段氏為統矢邏又改

姚府元改姚州尋陞姚安路國朝改為府後改為軍

民府領州一縣一姚州
附郭漢弄棟
沿革與府同大姚縣
漢青蛉
唐西縣

州改擊州段氏為
大姚堡元改為縣

廣西府古滇國東南境漢牂牁郡地後為東爨烏爨彌

鹿等所居唐為羈縻州後師宗彌勒二部寔強蒙氏

段氏不能制元時內附置廣西路國朝改為府領州

三師宗州

蠻部據名區弄甸元以本部領阿寧豆勿阿盧豆吳四所後改為州

彌勒州

蠻部據名非甸巴甸部麓元以本部領吉輸哀悉部龍阿欲四所後改為州

維摩州

元置領維

摩屈中二所後改為州

尋甸府古滇地爨刺蠻居之其部曰仲劄溢源後為烏

蠻新丁所奪號新丁部訛為仁地蒙氏為尋甸段氏

曰仁德元置仁德府國初改為尋甸軍民府土官領

之成化間以土酋相殺始設流官改尋甸府

武定軍民府漢益州地也唐隸姚州獠鹿諸蠻居之段氏為羅婺部元改武定路國初改軍民府土官鳳氏領之隆慶間以叛誅始設流馬領州二縣一和曲州

附郭即羅婺地有甸曰元謀縣
舊曰環川
祿勸州舊為

元置今縣
洪農祿勸甸
元改今州

景東府古曰拓南昔撲和泥二蠻居之名猛谷又曰景董唐以前不通中國蒙氏立銀生府後移於威楚其

地復為蠻有元討平之置開南州國初改為景東府
元江軍民府古西南極邊地曰惠龍甸又名因遠部蒙
氏置威遠瞭後和泥蠻據之曰羅槃甸宋儂智高之
黨竄此元時內附置元江路領羅槃馬籠等十二部
國初政府永樂間改軍民府領因遠羅必甸長官司

麗江軍民府古荒服地漢唐皆隸越雋蒙氏置麗水節
度後為蠻酋蒙醋醋所據元討平之置麗江路國初
政府後改軍民府土官木氏世居之領州四通安州

附郭漢定寧縣唐寶山州漢邪龍縣境元置寶山縣尋陞為州蘭州漢

南縣唐羅眉州段氏巨津州漢羅婆九畎諸蠻所居元置今州舊有

縣曰臨西正統間仍屬本府

廣西府叢山深林古無郡邑宋儂智高裔居焉曰特磨

道元立廣南路國初改府仍以儂氏官之領州一富

州元置

順寧府古百濮地也後訛濮為蒲地曰慶甸蒲人世據

之自古不通中國元時內附置順寧府并寶通州慶

旬縣國朝因之而省州縣入府後隸以雲州

雲名猛祐契夷

所居元時內附屬麓川路國初置大候長官司尋改為州上官秦氏領之萬歷間上酋叛討平之改今名

隸順

寧府

永寧府古名樓頭睽又名荅藍一名茶藍地接吐蕃蠻

泥月烏者居之後屬南詔元呼必賚駐師日月和即

北尋內附置永寧州國初因之永樂初陞為府土司

阿氏官之領革旬刺次和香羅瓦魯之四長官司

鎮沅府在西南極邊地昔撲和泥二蠻居之唐屬蒙氏

又為金齒獫狁所奪元初內附立威遠州及案板寨
國初改鎮沅州永樂間陞為府領祿谷寨長官司

北勝州漢以前屬白國時鐵橋西北施蠻據之蒙氏開
其地為北方暎徒諸蠻以居號劬羌又曰成偈暎又
改善巨郡段氏為成紀鎮元置施州後改北勝府國
初仍為州初屬鶴慶及瀾滄衛正統間改隸布政司
葭葉州唐名羅共暎元置今州屬北勝府國初屬鶴慶
後改隸瀾滄衛

新化州舊為馬龍他郎二甸阿楚諸蠻世據之元時內
附屬之元江路國初改馬龍他郎甸長官司弘治間
改今州隸布政司

全省封疆東界廣西南界交趾西界楚夷北界四川東
北五百里至貴州普安衛東七百五十里至廣西泗
城州東南六百三十里至貴州烏撒可渡南四百六
十里至廣西上林州西南三千五百里至南海西六
千里至西洋海西北二千里至吐蕃北四百里至四

川會川衛自司至應天府七千二百里至順天府一
萬六百四十五里嶺南郭棐曰按周武王孟津之會
及于濮人則其入中國自周始矣漢武開邊選守令
治其地考之當時置益州郡領縣二十有四曰滇池
雙栢同勞銅瀨連然俞元叔靡穀昌秦臧邪龍味昆
澤葉榆律高不韋雲南爲唐弄棟比蘇賁古毋撥勝
休建伶來唯其屬越雋郡縣有二遂久青蛉屬牂牁
郡縣三平夷漏卧句町其在今日幅員視漢更廣大

矣傳沐諸將軍開拓之功仰贊我高皇帝廓清之治
豈不宏遠哉

川會川衝自向至應入約七千二百里至順天府一

萬六千四十五里初而郭景曰按周武王孟津之會

及于商人則其入中國自周為吳漢武開邊漢守令

治其地方之當時置州郡領縣二十有四曰滇池

雙鶴岡等制漸建然俞元叔屏越昌表賦非是數是

得者輸往高不年雲南舊唐書棟其蘇古古

是不足或幾其為越者郡縣有二遠久青於

滇畧卷一 探軍圖時之似也贊非高皇帝祚壽之出

欽定四庫全書

滇畧卷二

品及並勝大夫王象來之風明
謝肇淛撰

勝畧

大塊靈淑之氣不洩為人文則結為山川南天荒微

顛蒙未開故其勃鬱磅礴山斧削而水電飛至於詆

怪鬼裔之奇不可名狀惜其自古以來職方不隸杖

履罕經流賞題詠若斯而止今所存者亦千百中之

什一耳昔尼父居夷伯陽入胡豈故逃之六合之外
或有取爾也矧被聖化日月悉主悉臣者哉故擇其
較著以俟觀風者採焉

金馬碧鷄二山在滇省城外西為碧鷄東為金馬相距
五十里許中隔滇池漢宣帝時方士言其有神可祠
而致遣諫大夫王褒求之顏師古曰碧形如鷄金形
如馬故名一云以有鳳凰及龍馬隱見於上名之顏
說非也元張雄飛詩北闕辭丹鳳南雲看碧鷄紫苔

移玉座瑤草濕金泥雨霽龍歸洞風生虎渡溪尋梅
穿竹徑採藥躡松梯白日依山盡青天入海低寄書
無鴈過擇木有猿啼花映高低樹園分遠近畦飛星
馳寶馬沈水吐銀猊魚戲蓮房北鷗眠菰渚西長歌
漢頌罷刻石紀新題

五華山在省城中雄瞰千雉四望無際其上有寺樓閣
宏麗為滇諸刹之最都御史錢塘鄭顛詩上人棲迹
雲霞中樓居背倚青芙蓉映簾花木四攢遠深幽雅

稱金仙宮古聞滇陽稱佳麗五華特秀西南叢滄波
遠引勢吞吐城闔俯瞰煙冥濛樓臺萬井互參列浮
圖百尺高凌空面前岡巒總奔附嵯峨宛若君山峰
太華山在碧鷄西北俯瞰滇池迥出遠近諸峰之上絕
頂有寺元僧玄鑑建永昌張含詩滇國地形惟此最
青霄樓閣迴招提山園雉堞籠金馬海撼龍宮浴碧
鷄雲裏鶴巢松樹遍風前仙梵雨花迷諸天不在藤
蘿外中夜起看星宿低銅梁張佳胤詩石牀橫架萬

峰西海上雙明入戶低自是山中無玉漏朝來還有
碧鷄啼又焚香高卧大華烟鶴唳松濤夜不眠欲向此
中尋佳著海心月在白雲天

螺山在省城之北山無草木石皆青色盤旋若螺髻焉
其下有潮音洞深黑莫測有人燃炬行兩日阻水而
還前為圓通寺依巖谷為之窮極幽險都御史吳興
顧應祥詩有雲擁數峰環寺立煙開一徑傍城灣之

句

滇池即昆明池也在省城西南周廣五百餘里合盤龍

江黃龍溪諸水為南中巨浸其水源廣而未狹有似

倒流故曰滇漢武帝欲伐西南夷於長安穿昆明池

象之以習水戰其上為太華金碧諸山其外有金稜

銀稜澄清諸河菡萏蒲荇魚羸菱芡之產不可殫窮

元李京詩嫩寒初褪雨初晴人逐東風去權輕天際

孤城烟外暗雲間雙塔日邊明未諳習俗人爭笑乍

聽侏僂我亦驚珍重碧鷄山上月相隨萬里更多情

明顧應祥昆明池歌昆明池延袤數百里千山萬山
直自崑崙來諸山之水匯於此相傳其水顛倒流滇
池之名由此始左有金馬山右有碧鷄峰瀟漫浩瀚
渺無際但見洪濤巨浪日夕排蒼空青天忽驚白日
起霹靂震撼蛟龍宮天吳水怪九首八足不可以名
狀時復出沒于其中有時風恬波浪息一碧萬頃開
青銅其廣也如此胡為乎不在九域之內不得與五
湖七澤相爭雄神禹治水跡不到穆王八駿難為窮

漢武鑿池徒彷彿王褒將命何匆匆唐宋以來各僭
據聲教不與中國通天開景運聖人出一掃海內羣
邪空五服之外更五服俯首受命歸提封侏儻椎結
之類吾不知其幾千萬種禮樂不異車書同眇余生
當全盛日觀風兩度乘青馳古來多少豪傑士局于
偏安之世不得一洗塊磊胸百年過眼一彈指得此
勝覽真竒逢振衣獨立太華頂狂歌目斷孤飛鴻
滇池西二十里有海源洞中可容數百人四壁削立石

乳倒垂凝成幻象千狀萬態不可數計其下有龍湫
流水清淺四時不竭雨旱禱之輒應

玉案山在滇池北十餘里一名列和蒙山秀麗多泉石
山北有三泉如盆池上有玉案遠近佛刹攢列其最
勝者為筇竹寺花木幽翳靜室清絕遊俗罕至寺僧

皆修頭陀行守戒苦節其得道者終身未嘗下山
椒有基局相傳有仙人奕于此唐道南和尚詩松鳴
天籟玉珊珊萬象常應護此山一局仙碁蒼石爛數

聲長嘯白雲間乾坤不蔽西南境金碧當分左右班

萬古難磨真蹟在峰頭鸞鶴幾時還

南詔通記
作牟沒詩

高峽關在昆明縣東雲津橋之北舊有城嘉靖初成都

楊慎謫戍永昌來往滇池相其地卜築焉樂其勝概

為作十二景詩後竟卒于此今其莊亦荒廢張佳胤

王高峽弔楊太史詩君自投荒日飄零瘴海間風雲辭

玉署歲月老紅顏著述愁中盡詩篇病後刪大名留

死諫前席阻生還石表何因折泉臺不可攀知無封

禪草誰問碧鷄關
僮僕將孤櫬文章
遍百蠻空餘載
酒處寂寞鎖青山

款栗山在嵩明州東四十里世傳蒙世隆征烏蒙得四
女歸至此山四女遙望故鄉俯仰嘆息忽山顛霧結
三峰巒謂三為款霧為栗其山皆萃獨峻登眺則雲
南悉在目中又名峻蔥山

滇溫泉最多而安寧州之碧玉泉為冠在城北十里許
四山壁立中為石凹飛泉注焉清可鑒髮香可瀹茗

有坐石正方碧色如玉故名楊慎亟稱之謂海內第一湯其上為曹溪寺倚山飛閣登之可望百里諸山有海眼泉一日三潮隨涌隨涸相傳僧戒照卓錫之所楊慎詩照岫靈砂址華清巖石湯佳名雖許並仙液詎堪方大井元通脈曹溪且護香流溫涵水碧氣鬱謝疏黃清暑南薰際回暄北陸傍體應借鷺潔心不假犀涼春醞熏蘭宇雲映泛茗槍弄珠餘浣女鑰玉購漁郎埭草蟠千歲瓊芝綴九房溫泉真此地難

老更何鄉

點蒼山一名靈鷲山在大理龍首龍尾兩闕之間絲亘百餘里若屏風然有十九峰環列內向峰各一澗懸瀑而下散入市廛村壑東注于洱河陰崖積雪經夏不消故亦名雪山山腰時有白雲橫亘如帶蒙氏封為中嶽漢書曰邪龍雲南注山似扶風太乙之狀上有馮河周迴萬步五月積雪皓然即此山也山中梵宇叢林絡繹相望相傳為阿育王封國三千蘭若茲

得其半今所存什一耳馮河在玉局峰之下巖壁聳
削潭水清澈每有墜葉鳥輒銜去志云觀音大士放
黑龍於此也其北麓崖丈石黑白分明如畫可為屏
障元高昌雅詩水繞青山山繞城由來人傑地應靈
水光萬頃開天鏡山色四時環翠屏康里子山詩有
客新從鶴拓來自言曾上五華臺蒼顏暑雪當窻見
玉脚踏雲對檻開桂樹小山招隱士桃花流水屬仙
才王孫芳草年年綠為問西遊幾日迴

點蒼山有二龍潭南潭黑龍居之北潭黃龍居之黃龍
善而黑龍惡二龍相與鬪黑龍敗眇其一目潛於潭
底人近之輒雷電暴作或云此即大士所放之龍也
俗名其水為高河每歲五月溪上不時有雨而田野
烈日皦然割麥插秧兩不相妨相傳觀音大士授記
而然

蒼山三陽峰麓原之上有風洞風從地孔中出雖五六
月吹人肌骨寒顛即壯夫不能久立也臨安納樓長

金定四庫全書
卷二
官司東二十里亦有風洞四時不絕滇之多風其以
此即鶴慶亦有之

鷄足山一名九曲在大理東北一百里峰巒攢簇如蓮
花盤曲九折一頂三歧若雞足然故名上有石門七
十二峰林樾雄深梯磴險絕世傳佛大弟子迦葉守
佛衣以待彌勒之所後涅槃於此至秋夜不時放光
一山盡明有白石菴河子孔洗心橋迦葉殿羅漢壁
袈裟石砌孫梯大悲閣虎跳澗拜佛臺曹溪水大小

龍潭華首門迦葉洞絕頂四望萬山皆伏唯點蒼西
峙與之頡頏近侍御史南海潘公濬建觀風臺其上
尤稱壯觀前後遠近蘭若七十有二窮極幽勝西域
天竺諸僧歲時雲集香燈梵唄百里相望殆非人境
閩鄧原岳詩葉榆水從山脚流點蒼鷄足俱神丘東
西對峙爭奇絕翩翩靈蹟垂千秋我聞鷄足之山元
淨土迦葉授衣即其處禪宗正印信難求釋氏遺踪
或可觀相傳八月佛放光輪困五色還非常琳宮紺

宇不知數浮圖寶刹凌蒼蒼我來登覽多所歷煙霧
冥冥恍相失披逕先尋兜率菴捫蘿再扣袈裟石江
風吹雲雨如注猢猻梯滑不可度大悲閣在山之巔
下視羣峰互吞吐須臾雨散雲亦開指點遙山青翠
來麗江雪嶺白照眼茫茫海水浮銀杯捨身崖前多
虎跡仙基石上草花碧拜佛崖懸千仞岡曹溪泉冷
成丹液華首門扃亦已久昔時衣鉢今何有洞天寂
寂雲四封層巒半壁苔衣厚俯瞰下方亦可憐幻成

百里兜羅綿我生一作空明想便如鉢裏開青蓮
見如來非色相眼底何須說真妄佛地機關只自知
靈山面目聊堪狀信宿山中俗慮清欲從此地學無
生不然解帶還山去身騎赤龍朝玉京

西洱河在大理城東即葉榆水也一曰洱海禹貢道黑
水至于三危入于海注云西洱海與葉榆澤相貫又
水經注云葉榆水道交趾糜泠縣東逕浪泊其水黑
似榆葉漬之而名按司馬相如文畧斯榆注斯音曳

又史記漢書皆作襟揄未可以臆解也水經曰罷谷
之山洱水出焉山在浪穹縣北泉湧起如珠樹經玉
案山前繞郡而南西出天橋點蒼山後是為潯水與
漾水合又西入于蘭滄江又南入于海其水有三島
四洲九曲彎環如新月島形如案故名玉案石上有
朱文若古篆不可辨世傳是大士與羅刹買地券也
石壁上刻云此水可當兵十萬昔人空有客三千蜀
都賦云諸葛亮之平南中也戰於是水之南其後唐

開元中李宓王天運等伐南詔前後覆軍二十萬皆
沒于此水濱有神祠其狀牛首人身或虎頭雞喙皆
大石自地湧出非人工也雨旱禱之輒應冬月海風
水面常有陰火高數丈起海賦曰陰火潛然是已東
岸有分水崖儼若斧劃南為河北為海所產魚不相
入八月望夜時有珊瑚出水面志云即恒河也元舒
魯杰詩洱水何雄壯源流自鄧川兩闕龍首尾九曲
勢蜿蜒大理城池固金湯鐵石堅四洲從古號三島

至今傳羅閣憑巖嶮蒙人恃極邊要當兵十萬不數
客三千世祖親征日初還一統天雨師清瘴癘風伯
掃氛煙民物因蕃富封疆近百年點蒼山色好銘刻
尚依然

漾水一名神莊江源出劍川經趙睽過打牛坪遠點蒼
之背與漾水合淼漫無際俗謂之漾備江謠云過了
漾備渡閻王請上簿到得龍尾闕繞是到人間言其
瘴毒甚也

蘭滄江一名鹿滄其源出吐蕃嵯和哥向一云出莎川石下其石似鹿故名自麗江度雲龍州至于永昌廣僅三十餘丈其深莫測其流如奔東流經順寧達于車里入于南海即漢書所云搏南蘭津也今日瀾滄俗謂之浪滄蒙氏封為四瀆之一其江中有物黑如霧光如火聲如折木破石觸之則死或云瘴母也文選謂之鬼彈內典謂之禁水惟此江有之他所絕無李元陽曰此即禹貢黑水至于三危入于南海者也

潞江在永昌南百餘里一曰怒江源出雍望奔流而下
其深莫測兩岸陡絕入夏則多瘴毒不可渡蒙氏封
為四瀆之一

趙州南六十里為白崖古廟中有鐵柱諸葛武侯定南
中歸以紀功也至唐咸通間蒙酋世隆復重鑄之故
郭松年大理行記以為非武侯所立不知張樂進求
時已有鐵柱矣崖半有卑鉢羅窟巖壁聳拔千丈餘
其下林麓翳翳無路可由南詔時有杜老蠻者即崖

而寺之捫壁而上有獨木橋十餘所長三尺或五六尺巖嶮不敢著足樵子僂疾者履之而過亦不損折其木非常見之材每月十五夜換橋一次不知其因十六日但見橋製更新無復舊木矣世傳神仙所為因謂之仙橋昔寺僧畜犬仙橋遂斷後屏犬橋復完成化間壁上見詩云懸崖萬仞沒躋攀樓觀參差杳靄間一派水流蒼石隙數聲猿嘯白雲閒堪嗟蕭史乘鸞去定是王喬駕鶴還唯有靈橋高絕處幽禽惆

帳對空山不註姓氏然其地士人所不能到竟不知
誰為也

青華山在雲南縣南八里其下有洞山僅培樓而洞深
邃不可窮懸崖滴乳愈深愈竒上有石竅漏光若天
憲然歧逕支分人入必糜糠以志其返每歲季夏二
十四日土人士女還至以炬火焚之云不爾必有蜘蛛
之蠶或云此即唐三藏取經遇蜘蛛怪處也御史
李元詩青華洞深且密神工融鬼斧劈茫茫天壤間

此理不可詰無乃渾沌初闢時浩氣噓泡成幻質沿
苔捫石豈容已宛若風雨投暗室虛幽極處明自生
時復有竅見天日祛昏破晦露真機萬態千形難盡
述行行洞口更升巔笑看扶桑紅日出

九鼎山在雲南縣西北二十里一曰寶泉九峰相並望
之簇如青蓮石穴空洞盤折而升其上有九鼎寺毘
盧閣古佛洞華嚴洞玉峰塔諸勝倚巖結構飛梯令
人登之有挾風生羽之想吳郡馮時可詩九鼎巔岷

望裏新長松落落通蒼旻蜂房燕壘虛無地薤簞藜
牀遠絕塵雲宿下方流玉葉月生半壁吐金輪最憐
政暇能魚隱倚石看山更幾巡

水目山在雲南縣之南二十餘里山巔有泉深不可測
南詔段氏於此建水目寺相傳初建時有僧阿漂為
工匠都養炊爨汲水以供衆僧未嘗違失日則奔走
勞苦夜則懸首廟梁三十餘年其懸髮金鈎至今猶
存嘗挈筐入市貨乳酪蔬菌之屬雖二百里外產者一

水日致之人因其出窺其室中見漂閉戶默坐置筐坐
前有頃筐中諸物自盈見者喧於衆漂遂立化寺有
白虎窩黃龍木夫之異有貴客至木夫自吠今遺址
猶存

金沙江一曰若水源出旄牛徼外

在麗江西北

東南至于麗

江鶴慶北勝姚安諸界水濱產沙金故名山海經曰
黑水之間有木名曰若木若水出焉水經注曰若水

南經雲南之遂久縣今金沙江巡檢司是也又東流

合繩水孫水淹水瀘水注于馬湖諸葛亮南征渡瀘
即此昔黃帝長子昌意德劣不足紹承大位降居斯
水為諸侯娶蜀山氏女生顓頊於若水之野是其地
已揚慎宿金沙江詩往年曾向嘉陵宿驛樓東畔欄
杆曲江聲徹夜攪離愁月色中天照幽獨豈意漂零
瘴海頭嘉陵回首轉悠悠江聲月色那堪說腸斷金

沙萬里樓

水經曰葉榆水西北有烏弔山世傳鳳凰死於此每歲

秋冬百鳥羣聚鳴呼啁哳土人夜然火張羅待之鳥投
火罹羅多有異羽匪直滇崖也內無噤者以為特哀
不食稱為義鳥放之今鄧川浪穹之間有鳳羽鄉山
曰鳥弔每九月至十一月夜中萬鳥羣聚居民燭而
羅之所獲萬計與水經所載無異楊慎詩鳥弔山頭
百鳥傷刺桐茅竹隱斜陽九苞文采不復見千古今
人空斷腸按蒙化亦有鳳凰山其說與此同

按鳥以
赴義至

而小民無知網而取之不仁甚矣
萬歷己未余至始行邑禁絕之

天橋在大理西南三十里洱水下趨處也相傳蒼洱之間其初皆為水國觀音大士鑿石為橋洩水民始得平土而居其石下斷上連絕壑深塹若梁跨之憑虛凌空可度一人故名天橋橋邊激水濺珠宛如梅樹人呼曰不謝梅亦奇觀也橋之北有沓嶂又名一線天水故道也石林古色可吹洞簫蒲田方沆詩蒼嶺青未了寒煙野戍平危梁通地脈削壁類天成霜色孤鴻暝濤聲萬馬行昔年曾割據形勝控榆城閩陳

巖之詩似入天台路橫梁跨壑懸川應疑禹鑿石豈
仗秦鞭歸鶴來何處長虹卧不還支機隨意取不必
待張騫

點蒼山龍泉峰下有諸葛武侯畫卦臺云世傳武侯南
征屯兵於此披草萊中得石刻伏羲像因作八卦臺
祀之上人以為祭天又名曰祭天臺其龍關以西謂
之天威遲蓋取孟獲公天威也南人不復反之語唐
高駘詩豺狼坑盡却朝天戰馬休嘶瘴嶺煙歸路嶮

峨今坦蕩一條千里直如弦萬里驅兵過海門此生
今日報君恩回期只待風煙淨不遣征衣有淚痕

大理之南有蕩山寺一名感通漢摩騰竺法蘭由西天
竺入中國時建也唐南詔重新之其地山巒迴合林
樾蔥蒨佛堂之外僧院三十有六四壁繪人天諸相
皆極工麗中堂石上有僧跌跡云洪武十六年寺僧
無極率其徒入覲獻白駒一山茶一上臨軒受之山
茶忽發一花上異之賜御製詩一十八章叙其水陸

往返之勞併序刻於石其東麓曰獅山環山面河幽
靜可賞

弘聖寺一名一塔寺在大理城西其北有崇聖寺亦曰
三塔寺皆勝地也弘聖有塔高二十餘丈十有六級
相傳周時阿育王所造塔也其上有閣辰蒼山面洱
河原野雉堞皆在指顧之中左有諸葛武侯祠及楊
慎所摹禹碑崇聖三塔中者高三百丈外方而內空
其二差小各錯金為金翅鳥立其上以厭龍也不知

何始塔頂有鐵鑄款識云貞觀六年尉遲敬德監造
開元初南詔修之請唐匠恭福徽義重造中觀音像
高二丈許蒙氏董善明者顛天願鑄是夕天雨銅取
以鑄像僅足而止像成之日瑞光五色樓有鴻鐘聲
聞百里其外萬松離立蒼翠際天僧房花木幽翳臺
閣孤曼至者徘徊不能去程本立詩眼中城郭與山
川坐我江南晝畫船雲氣半空飛白雪水光一鏡落
青天野牆樓樹人家住官路梅花驛使傳最是僧房

聽梵唄此心能洗百憂煎

判文山在臨安府城南二十里高千餘仞中有三峰削
出如筆架昔大理段思平外舅爨判居其上因名有
祠焉學士王景常判山翫月歌判山山上秋月明判
山山下秋水清道人持盃待明月氣壓秦華吞滄溟
姮娥靚粧倚碧井照見琉璃幾千頃興來吸盡金巨
羅舞袖徘徊弄清影嘉靖中學使趙維垣易名煥文
巖洞在臨安東二十里一名雲津洞山形綿亘林徑縈

紆衆水歸宿伏流會盤江達于南海洞口空濶可容
數百人前阻深潭無徑可通遊者循山背行達中洞
結橋而度列炬而入石髓凝結倒垂千態萬狀蓋西
南第一洞天也其後有小洞二曰南明曰萬象南明
黝黑中忽有天窓豁然明朗萬象峻濶嵐靄層結如
雲霞飛布其上尤為竒絕云學憲秀水吳鵬詩雅志
在山水臨眺興無倦竚望城東郊幽巖表南甸使君
復愛客撫景開芳宴解帶遡南風手掬冰花片披榛

得微路延瞰中巖徧結橋度雲溪列炬散晴電怪石
蚪龍翔層臺玉芝炫旋轉尋丈間幻化千萬變勢凌
天姥竒名並桃源擅自非神明護乾坤豈終見日來
苦塵縛勝引資游行薄暮下山椒心賞徒留戀安得
長公術移此中州莫依棲鍊五藥辟穀謝朝彥

阿迷州北三十里有火井其水溢出流入于田井中常
有煙氣投以竹木即燃夜則有光四傍石亦皆熱出

煤可以代薪

異龍湖在石屏州之東有九曲週百五十餘里中為三
島小島名孟繼龍有蛇蟲不可居昔蠻酋以有罪者
流於此中島名小末東大島名和龍湖蠻立城於上
漢名水城四面皆巨浸東流入于瀘江

太保山在永昌府西其名不知所始差我東向高千餘
尺橫岡數里山巔平行可習騎射嘗有掘地者於土
中得巨磚甚多皆有平好二字周遭林木蒼翠煙雲
變幻稱奇觀云

哀牢山在永昌東二十里孤峰秀聳如拱如坐高三百丈餘雄視西陲延袤三十里許頂石巉巖如鱗有二穴名天井水出其中土人於春首視水之盈涸卜歲之豐稔穴下相通取左穴水則右穴涸取右穴亦然山下有石如鼻二孔出泉南溫北冷分流數十步復合為一號玉泉故又名玉泉山

博南山在永平縣西南四十里一名金浪山其巔又名丁當路極險隘乃蒲蠻出沒之所昔南詔遣將軍征

緬回師多齋金寶經此山遇盜將軍死之後立祠于
此北麓有泉流為花橋河方沆詩萬里哀牢地雙旌
度博南林開山列障天遠樹如簪嵐氣征衣重霜華
旅鬢含蘭津看漸近訪古一停驂

羅岷山在永昌東北百里蘭滄江西岍也高千丈袤四
十餘里相傳蒙詔時僧羅岷者自天竺來此嘗作戲
舞山石亦隨而舞後沒土人祠之巖下時墜飛石過
者驚趨謂之催行石相傳上有野獸拋踏而下後有

人將曉時見石自江中飛上霧中甚多不由獸也有
橋于兩岸曰霽虹纜鐵梯木懸跨千尺郡人張含詩
蘭津之南何雀鬼水寨仄路盤空迴江氛嶺覆日月
翳山狂谷很猿狻哀炎天風高屨見電巖冬地迫常
聞雷鈎藤毒葛四時茂鷄哥杜鵑千樹聞

卧獅山在永昌南十五里以形名高百丈餘表二里許
其上有洞曰芭蕉廣二尋高稱之入深百五十步其
中石乳燦爛有如蓮如鐘如傘之異故又名石花山

雲巖山在永昌城北二十五里高二百丈餘盤迴三里
許雜木陰森巖石深百步中有石橫卧于下長丈餘
好事者鑿而為佛建寺以覆之扁曰雲巖卧佛其左
有洞洞門高三尺深十餘丈寺外築臺建門臺下有
池

高黎共山在騰越東北百餘里古名崑崙岡夷語訛為
高良公云界龍潞二江之間潞江冬月無霜而此山
巔霜雪嚴沍蒙氏封為西獄山上下東西各四十里

登之可望吐蕃之雪山山頂有泉東入永昌西入騰
越故又名分水嶺侯璉詩高黎共山花正紅千岫萬
岫煙雲中險道岩堯鎖青黛絕巖突兀摩穹窿鶯聲
鶻聲滿丹嶠遠色近色皆蒼松記取此景付彤管蒙
吟野眺生春風其左右有平川名彎甸炎熱瘴癘商
賈謠曰冬時欲歸來高黎共上雪夏秋欲歸來無奈
彎甸熱春時欲歸來囊中資糧絕

永昌龍泉門外有九隆山相傳哀牢夷九龍兄弟世居

此山之下諸葛亮南征時鑿斷山脈以洩王氣今遺
址猶存其麓有泉自地湧出凡九竇郡人斲石為池
承之其下匯為大池可三十畝名曰九龍池夏月荷
花盛開中有畫船可以游汎武陵江盈科謂滇人不
知舟獨昆明池與此耳張佳胤詩陂塘晴射海霞紅
樓榭清陰落鏡中古木浮槎天上過平橋流水席間
通歌聲漸起千峰月寒氣非闕九夏風環視盡搖河
漢影對君疑坐斗牛宮

烏蒙山在祿勸州東北三百里一名絳雲露山北臨金沙江山有十二峰聳秀為一州諸山之冠八九月間常有雪故又名雪山其頂有烏龍泉下流為烏龍河蒙氏封為東嶽

蒙樂山在景東府北九十里一名無量山高不可躋連亘三百餘里中有石洞深不可測一峰特出狀若崆峒蒙氏封為南嶽其南有泉為通華河其北有泉為清水河俱東入于大河

永平縣有打牛坪相傳諸葛武侯南征至此值春日鞭牛教民畊稼後人因以名之

廣通縣翠屏山中有湯團箐云武侯擒孟獲駐師於此時臘月二十四日也軍士追思荆楚以湯團祀竈乃炊而食之未盡者棄之而去至今箐中小石形類湯團然

楚雄城北有坡曰青峰坡其上一石高八尺廣半之名曰峨嵋石一人撼之則動聚衆挽之巖然不搖

澂江城南十里有湖曰撫仙周三百餘里北納諸溪南
受星雲湖泓涵清澈一碧萬頃玉筍山撫其上宛若
仙人憑鏡而立故名也山舊名湧拔屹立水際高峰
刺天不與羣峰接狀如玉筍然其北有羅藏山羅藏
不爽言虎柵也昔有虎自碧雞渡滇池至此土人造柵
以取之山高可五千尺其上寬平有龍湫時興雲霧
元梁王立寨其上故又名梁王山飛泉自峰頂落流

入四遠

竹掃寺在蒙化南百里許無院無僧止有石佛早則蒙
人昇之城隅禱應即還山所居左右產竹甚茂竹稍
下垂拂石其潔如掃亦一奇蹟也

石寶山在劍川西南二十里上有靈泉狀如仰白纔容
斗水百人挹之不竭不挹亦不盈也洞中有石佛石
棧石井石人以至獅象鐘鼓蛙蛇之屬遍于陵谷皆
石也大理李元陽記謂綠崖諸石像如大士羅漢者
甚多皆若雕鏤然及省其手足指爪剝折之處又皆

空洞如人骨然乃知其為天成也揚慎詩初地追清
賞名山愜素聞峰巒合元氣樓殿截霞氛灌木長藤
繞幽篁細路分剛風凝石髓香梵滿崖薰泉溜瓊漱
響天吳紫蘚文興因靈運發人是謫仙羣秦客迷青
靄湯休和碧雲便應開淨社甘露洗塵紛

方丈山在鶴慶府城南一百里巍然峻拔山半有洞中
有池深不可測水滴巖下如方響音昔蒙氏羅閣鳳
琢觀音像於壁故又名觀音山南詔名山凡十七此

其一也

鶴慶東南七十里山名大成坡頂有泉圓徑尺許深如
之終歲不溢盛夏不涸相傳南詔蒙氏過此三軍無
水渴甚遂拔劍挿地泉隨湧出至今行人資焉謂之
一碗水

師宗州東有山曰馬者籠高峻雄峙勢莫與京其西二
十里地名何定鄉有小山高可五丈盤根數百尺弘
沿十年一夕忽移于此山之傍上有三大樹隨山而

徙根枝如故土人但聞風雷聲且起視舊處已為平地矣

阿盧山在廣西府西延亘四十餘里南接彌勒北跨師宗舊有阿盧部居之故名山麓有洞深黝不可窮中有雕欄寶塔鐘鼓卧牀佛龕之異

尋向北五里有龍泉洞水湧出灌地數萬畝洞中深邃蝙蝠甚衆遊者明炬輒為所滅洞中有一雀俗呼為

龍雀如過木葉墜水輒為銜出郡中亢旱祈禱輒應

獅山在武定城西五里許峰截如削壁立千仞其巔平
敞里許有泉噴出潄為小池池旁羅漢松一株大數
十圍霜柯鐵幹世所罕見巖半有菴曰龍隱中祠建
文皇帝云帝自靖難師入自冕以出栖此山者四十
餘年始自白歸大內今其像禪衣錫杖淒然老衲狀
也

雪山在麗江西北二十餘里一名玉龍山條岡百里巖
嶽千峰上插雲霄下臨麗水山巔積雪盛夏不消巖

泉瀑布百道飛流蒙氏封為北嶽元李京詩麗江雪
山天下絕積玉堆瓊幾千壘足盤厚地背摩天衡華
真成兩丘垤平生愛作子長遊覽勝探奇不少休安
得乘風凌絕頂倒騎箕尾看神州

瓊英洞在順寧西南西粵山之麓其山層峰疊壑石壁
橫峭洞口豁然如城闕狀可十丈許嵌空奇崛其上
有青蓮華蓋朵朵下垂洞中石鐘鼓聲擊之琳瑯
成韻深窅莫窮幽致萬狀蓋西南之奇觀也董難

詩有云茲山奇絕不可紀
嶙峋嵌空難與比
晦明幻化神物潛
章亥艱難不到此
山鬼啾啾木客號
古藤緼索垂
猿猱山禽百韻隔
雲木落日熊羆呼
其曹路斷弔橋懸
怪石宛若晴虹高
萬尺懸橫度索越
他山颼颼天風吹
羽翮煙霞不隔水
源深仙境微茫何
處尋人似避秦
雞犬近松根履足
是然音洞門深鎖
挑千樹山靈謝指
桃源路翠觀岑青
紫府圖鬼工斲處
心驚怖石鐘紫纍
石乳香龍飛鳳翥
石筍長石鐘石

鼓還石磬鈞天樂
派音鏗鏘仙人酌
我長春醕一飲
獅山在武定城西五里許
峰截如削壁立千仞其巔平
敞里許有泉噴出潄為小池
池旁羅漢松一株大數
十圍霜柯鐵幹世所罕見
巖半有菴曰龍隱中祠建
文皇帝云帝自靖難師入自冕
以出栖此山者四十
餘年始自白歸大內今其像禪衣
錫杖淒然老衲狀
以斧劈之故山石皆殷赤色
崖半有泉其味如醴仲
春居民郊遊爭掬飲之布穀一鳴
其味即變

